



## XALQ DEPUTATLARI ZARAFSHON SHAHAR KENGASHINING QARORI

2025-yil 22-iyul

VII-13-133-5-78-K/25

Zarafshon shahar

**O‘zbekiston Respublikasi Prezidentining “Qonunchilik hujjatlari ijrosini samarali tashkil etishda davlat boshqaruvi organlari va mahalliy ijro etuvchi hokimiyat organlari rahbarlarining shaxsiy javobgarligini kuchaytirishga doir qo‘shimcha chora-tadbirlar to‘g‘risida” 2021-yil 10-fevraldagi PF – 6166-son Farmoni ijrosi yuzasidan 2025-yilning yanvar-may oylarida olib borilgan ishlar to‘g‘risida**

O‘zbekiston Respublikasi Prezidentining “Qonunchilik hujjatlari ijrosini samarali tashkil etishda davlat boshqaruvi organlari va mahalliy ijro etuvchi hokimiyat organlari rahbarlarining shaxsiy javobgarligini kuchaytirishga doir qo‘shimcha chora-tadbirlar to‘g‘risida” 2021-yil 10-fevraldagi PF – 6166-son Farmoni hamda “Ijro.gov.uz” ijro intizomi idoralararo yagona elektron tizimi samarali faoliyat ko‘rsatishini ta‘minlashga qaratilgan qo‘shimcha chora-tadbirlar to‘g‘risida” 2021-yil 31-maydagi PQ – 5132-son qarori ijro intizomini mustahkamlashda dasturulamal bo‘lib xizmat qilmoqda.

2025-yilning yanvar-may oyida shahar hokimligiga jami 2 ming 882 ta hujjat edo.ijro.uz elektron hujjat aylanish tizimi orqali kirim qilingan.

Hisobot davrida edo.ijro.uz elektron hujjat aylanish tizimi orqali kelib tushgan hujjatlarning tarkibi quyidagicha:

47 ta – O‘zbekiston Respublikasi qonunlari;

38 ta – O‘zbekiston Respublikasi Oliy Majlisi Senatining qaror va topshiriqlari;

8 ta – O‘zbekiston Respublikasi Oliy Majlisi Qonunchilik palatasi qaror va topshiriqlari;

36 ta – O‘zbekiston Respublikasi Prezidenti farmonlari;

69 ta – O‘zbekiston Respublikasi Prezidenti qarorlari;

1 ta – O‘zbekiston Respublikasi Prezidenti farmoyishlari;

24 ta – O‘zbekiston Respublikasi Prezidenti maslahatchilarining topshiriqlari;

69 ta – O‘zbekiston Respublikasi Vazirlar Mahkamasining qaror va farmoyishlari;

34 ta – O‘zbekiston Respublikasi Vazirlar Mahkamasining majlis va rayosat yig‘ilishi bayonnomalari;

322 ta – O‘zbekiston Respublikasi Bosh vaziri va uning o‘rinbosarlari tomonidan berilgan topshiriqlar;

56 ta – Xalq deputatlari Navoiy viloyati Kengashi sessiya qarorlari va topshiriqlari;

411 ta – Navoiy viloyati hokimi va uning o‘rinbosarlari tomonidan berilgan topshiriqlar hamda chora-tadbirlar dasturi;

1 296 ta – Respublika va viloyat tashkilotlarining topshiriqlari;  
15 ta – shahar prokuraturasidan;  
456 ta – Respublika, viloyat telefonogrammalari va shahar hududidagi tashkilotlardan kelib tushgan xatlar.

Hisobot davrida 2 882 ta hujjat kelib tushgan bo‘lib, shundan 2 741 tasi ijroga qaratilgan.

Ijroga qaratilgan 1 354 ta hujjatning ijrosi ta‘minlangan, shundan 112 tasi belgilangan muddatdan kechiktirib bajarilgan, 1 387 ta hujjatning ijro muddati mavjud bo‘lib, ularning ijrosi ta‘minlanmoqda.

Muddati kechiktirilib bajarilgan 112 ta hujjatning– A. Shoxmirzayev (53), X. Oripov (25), S. Ebotov (1), S. Uvaytov (18), L. Tursunova (3), O. Xotamova (1), Sh. Sirojov (2), J. Shukurov (6), S. Safarov (2), G. Ro‘ziyeva (1) to‘g‘ri keladi.

Ushbu davrda shahar hokimi huzurida 97 marotaba, hokim o‘rinbosarlari huzurida esa 343 marotaba muhokamalar o‘tkazilib, tasdiqlangan yig‘ilish bayonlariga asosan mas‘ullarga ko‘rsatma va topshiriqlar berildi hamda shahar hokimi va o‘rinbosarlari tomonidan 57 ta dasturlar tasdiqlanib ijroga qaratildi.

Shuningdek, respublika hamda viloyat tashkilotlariga 1 130 ta aloqa xatlari yuborilgan.

2025-yilning yanvar-may oyida shahar hokimligi, shahardagi korxonalar, tashkilotlar rahbarlari hamda boshqa mas‘ullarga ish yuritish, ijro intizomiga rioya etilmaganligi, o‘ziga yuklatilgan vazifalarni lozim darajada bajarmaganligi uchun turli darajadagi intizomiy jazo choralari qo‘llangan.

Jumladan, shahar hokimligi hamda shahar hududidagi korxonalar va tashkilot rahbarlarining 4 nafariga, shaharhokimi yordamchilarining 1 nafariga “hayfsan” intizomiy jazosi qo‘llangan, 1 nafari lavozimidan ozod etilgan.

O‘zbekiston Respublikasi Prezidentining 2021-yil 10-fevraldagi PF–6166-son Farmoni hamda 2021-yil 31-maydagi PQ–5132-son qarori ijrosini samarali tashkil etish maqsadida har haftaning juma kuni shahar hokimining birinchi o‘rinbosari huzurida, dushanba kuni shahar hokimligi apparat yig‘ilishlarida ijro intizomining ahvoli va “edo.ijro.uz” elektron tizimidagi topshiriqlarning ijrosi yuzasidan tanqidiy muhokamalar o‘tkazilib kelinmoqda.

“Mahalliy davlat hokimiyati to‘g‘risida”gi O‘zbekiston Respublikasi Qonunining 6-va 24-moddalariga asosan, xalq deputatlari shahar Kengashi

### **QAROR QILADI:**

1. Shahar hokimligida 2025-yilning yanvar-may oyida ijro intizomi yuzasidan amalga oshirilgan ishlar hamda “edo.ijro.uz” elektron tizimidagi Prezident hujjatlari ijrosi bo‘yicha shahar hokimligi kompleks rahbarlarining axboroti ma‘lumot uchun qabul qilinsin.

2. Muddati kechiktirilib bajarilgan 112 ta hujjat bo‘yicha mas‘ul shaxslarning javobgarligini oshirish, takroran bunday holatlarga yo‘l qo‘ymaslik maqsadida shahar hokimligi va tegishli tashkilotlar tomonidan chora-tadbirlar rejasi ishlab chiqilsin va amalga oshirilsin.

3. Shahar hokimligi (A. Shoxmirzayev, X. Oripov, S. Ebotov, S. Uvaytov, L. Tursunova), tegishli korxonalar va tashkilotlar rahbarlari quyidagilarga qat‘iy amal qilsinlar:

“edo.ijro.uz” elektron tizimida ro‘yxatdan o‘tgan barcha topshiriq va vazifalarning o‘z vaqtida, sifatli va to‘liq bajarilishini ta‘minlasinlar;

ijro intizomi buzilgan holatlarning oldini olish maqsadida, ichki nazoratni kuchaytirsinlar hamda har bir ijro intizomini buzgan mas‘ul xodimga nisbatan qonunchilikda belgilangan tartibda javobgarlik choralari qo‘llashni ta‘minlasinlar;

har haftaning juma kuni shahar hokimining birinchi o‘rinbosari huzurida, dushanba kuni esa shahar hokimligi apparat yig‘ilishlarida ijro intizomi holati va elektron tizimdagi topshiriqlar ijrosi yuzasidan tanqidiy muhokamalarni muntazam o‘tkazib borish amaliyotini davom ettirsinlar;

mas‘ul xodimlar uchun ijro intizomi va elektron tizimdan foydalanish bo‘yicha muntazam seminar va o‘quv mashg‘ulotlari tashkil etilsin;

har oyda ijro intizomi bo‘yicha tahliliy hisobot tayyorlanib, xalq deputatlari shahar Kengashiga taqdim etilsin;

kechiktirilgan va lozim darajada bajarilmagan topshiriqlar tahlil qilinib, sabab va omillarni aniqlash, ularni bartaraf etish bo‘yicha manzilli chora-tadbirlar ishlab chiqilsin hamda ijrosini ta‘minlash yuzasidan tegishli mas‘ullarga ogohlantirishsiz qat‘iy javobgarlik belgilanib, shahar hokimligiga axborot taqdim etilsin.

4. Shahar hokimligi ijro intizomi nazorati bo‘yicha bosh mutaxassis Sh. Ne‘matov har oyning yakuni bilan elektron tizimdagi topshiriqlar ijrosi to‘g‘risida batafsil tahliliy axborotni tayyorlab, shahar hokimi va hokim o‘rinbosarlariga taqdim etib borsin.

5. Xalq deputatlari shahar Kengashi kotibiyati (E. Davlatov) tegishli mas‘ullar bilan birgalikda O‘zbekiston Respublikasi Prezidenti va Vazirlar Mahkamasi tomonidan tasdiqlangan hujjatlarning ijrosini samarali tashkil etish yuzasidan jamoatchilik nazoratini o‘rnatsin.

6. Mazkur qarorning ijrosini nazorat qilish shahar hokimining barcha o‘rinbosarlari va xalq deputatlari shahar Kengashining doimiy komissiyalari zimmasiga yuklansin.

Kengash raisi



RAXMANOV  
NAZIRBEK  
ISRAILOVICH